

'Fluba nen Pɔl -a cren -te

Kolɔs

'nɔn le

1 ¹An 'bɔ Pɔl bɛ, Bali 'bɔ 'ci 'sɔ 'a nen an dre Zozi 'le 'pasiazan -a. Mɛɛn 'fluba 'gʊɛ -a cren -te 'ku 'vale -kaa "bʊ Zozizan Timote -a. ²Kʊa cren -te 'ka Bali -le minnun nen Kolɔs fla bɛ 'cɛɛ. Ka dre 'ku "bʊ Zozinɔn 'a, ɛn 'ka 'pɛ -sru 'ka 'e tɔadɪ Zozi 'le 'wɪ 'ji dɪ.

-Kaa 'tɪ Bali 'e 'yɛɛ 'yi 'lee 'yɛɛ -fʊdɪ -trɔɔ -nɔn 'cɛɛ.

Pɔl Bali tru 'ba Zozinɔn nen Kolɔs fla bɛ -wle

³Tʊ pɛɛnɔn man, -te kʊ ya Bali tru 'banan 'cee 'wɪ man bɛ, Bali nen -kaa san Zozi Crizi 'tɪ 'a bɛ kʊa muo -fɔa. ⁴Cɛɛ yi -teradɪ Zozi Crizi da bɛ, kʊa 'wɪ 'man, ɛn 'cee Zozinɔn pɛɛnɔn yɪdɪ 'yi "bɛ, kʊa 'wɪ 'man 'nyian. ⁵Fɛ nen Bali -a 'pla 'cee vɛ -a laji, ɛn 'ka 'bli a -yɛɛ "bɛ, -yɛɛ "wɛan nen ka 'wɪ zɪɛ -a dra. Fɛ 'bɔ zɪɛ Zozi 'le 'wɪ 'nɔnɔnɔn nen 'wɪ tɪglɪ 'a bɛ, zɪ e 'bɔla 'ka 'va bɛ, ɛn ka -yɛɛ 'wɪ 'man 'e tɛdɛ. ⁶Zozi 'le 'wɪ 'nɔnɔnɔn 'lein 'bɔ nen e 'bɔla 'ka 'va bɛ, e ya fuilanan 'man 'treda fɛ pɛɛnɔn 'nan. Minnun nen waa maan te o 'ta wɔla 'da "bɛ, o "nen 'a -kɔnan 'padɪ -a 'da. 'Wɪ 'tɔwli zɪɛ -yɛɛ cɪ drenan 'nyian 'cee 'va. 'E pou 'sia yi nen ka 'wɪ 'nɔnɔnɔn bɛ -a 'man, ɛn kaa -ci 'man 'kpa tɪglɪ, 'nan 'ka nyrinda -sean Bali da bɛ -a da. ⁷-Kaa "bʊ Zozizan Epafra nen kʊɛ 'nyranman 'paa waa, ɛn kʊa ye 'yi 'kpa bɛ, 'wɪ 'nɔnɔnɔn zɪɛ -yɛɛ paa 'ka 'ji. -A -pɛ -sru 'ka 'e tɔadɪ Crizi -le 'nyranman nen yaa 'paa 'ka 'va nun bɛ -a -ji dɪ. ⁸Min yɪdɪ 'yi "nen Bali lei -a -nyran 'ka 'ji bɛ, -yɛɛ -nan 'sinan 'pa 'kʊɛ.

⁹-Yɛɛ "wɛan 'ku 'bɔ 'nyian, zɪ kʊ 'ka 'ta wɪ 'man bɛ, kʊ'a tian 'flinle Bali tru 'badɪ -a 'cee 'wɪ man dɪ. Kʊa laabʊ Bali lɔ 'nan, 'e 'wɪ 'tɔdɪ 'lee 'wɪ 'fa 'si bli nen e "sia -yɛɛ lei 'saun 'va bɛ -a -nɔn 'cɛɛ, -e zɪ -a ci 'sɔ wɪ cɪ bɛ 'ka -tɔ 'e 'ciula 'da. ¹⁰Kʊ Bali tru 'ba zɪɛ 'nan, -e 'cee 'ta wʊ -pɛ 'e -kɔnɔn 'nan Minsan -sru 'nen ka cɪ, -e 'e 'sɔ -yɛɛ. ɛn kʊa tru 'ba 'nyian 'nan -e 'ka 'wɪ

"yi 'tɔ 'tudu pɛɛnɔn dre, 'nan -e 'cee Bali -tɔdu be 'e 'pa "da! ¹¹En ku Bali tru 'ba "nyian 'nan, -yee 'pleble nen -a -kɔɔn "manvɛ "ka "dɛ, 'e 'ka 'tɔ 'pleble -pɛ pɛɛnɔn 'ji. Bali 'e dre zi, -e 'ka "koe 'e vɛle 'e 'si 'ka da dɛ, -e 'ka 'man -sran 'wɪ 'ji, te ci "nrandɪ a 'ka 'lɔ. ¹²Ka 'ka "tɪ Bali muo "fɔ! -Yɛɛ -si 'le 'sɔ, en "yi "nen yaa 'pla 'yee minnun -le vɛ -a bɛ e dre 'cee vɛ -a. "Yi zɛ yaa 'pla 'yee mingɔnnen trɛ nen e "bia bɛ -a da. ¹³-Yɛɛ -kaa 'si klun -le 'pleble 'wɪ, en -a -pɪ nen e 'sɔ -yrɛ "bɛ yaa -tɔ -kaa da. ¹⁴'Wɪ nen -a -pɪ zɛ yaa dre bɛ, -yee "wean Bali -kaa ta pan 'wɪ, en e -cee 'wɪ 'wɪdɪ fui.

¹⁵Bali nen wa'ya ye dɛ, zi e ci bɛ, -a 'bɔ nen Zozi -a kɔɔn minnun lɛ. -Yɛɛ ci Bali -pɛ dre fenun pɛɛnɔn da "le Bali -le 'nen flin -le 'wɪ 'zɔ. ¹⁶Kɔɔ -a 'bɔ 'va nen Bali ciɪla en e fɛ pɛɛnɔn dre. Fɛ pɛɛnɔn nen min -a ye 'e yie 'a 'trɛda bɛ, 'lee fɛ pɛɛnɔn nen laji te min 'ka -a 'ye dɛ, -yɛɛ o dre. -Nyren "le lei -wɪdɪnɪn -le 'wɪ 'zɔ, en -nyren "le fenun pɛɛnɔn nen 'pleble a -wɪ "bɛ -wee 'wɪ 'zɔ. Bali ciɪla 'e 'pɪ Zozi 'va en e fenun pɛɛnɔn zɛ -a dre. -A pɛɛnɔn zɛ o ya -nan 'nan, -e 'o -a -pɪ 'tɔ dre -dan. ¹⁷En Zozi Crizi 'bɔ 'bɛ ci fɛ pɛɛnɔn 'wulo -a, en -yɛɛ o man dra. ¹⁸-Yɛɛ ci -leglizi nen -a 'bɔ po -a bɛ -a -wulo -a, en -yɛɛ ci -a pou -a. -Yɛɛ ci min tɛdɛ nen e wɪan -kanɔn 'va bɛ -a, 'nan -e 'e 'kɔn fɛ pɛɛnɔn 'lɛ. ¹⁹E ya Bali 'bɔ 'ji 'nan 'yee -dan nen 'e ci -a bɛ, 'e 'nyran a 'e 'pɪ -va. ²⁰En e ya "ji "nyian 'nan 'e -ciala 'e 'pɪ -va -e 'e fɛ pɛɛnɔn yei "sɛn 'e cin va 'o 'vale 'e 'bɔ 'a. Zozi 'le -ka nen yaa 'wɪ yiba "plan "da en -a nyen -sran bɛ, -yɛɛ -maan 'wɪ 'ka "nyian Bali 'lee fɛ -tɔ yei "fo "dɪ. Fɛ pɛɛnɔn nen laji oo, en fɛ pɛɛnɔn nen 'trɛda oo, 'wɪ 'ka 'o 'vale Bali -a o -tɔ yei "dɪ.

²¹'Ka 'bɔ "nyian, 'wɪ 'tɔwɪ zɛ e ya 'cee vɛ -a. 'E tɛdɛ bɛ, te ka ya 'ka 'sidɪ Bali man -kɔɔbli, en ka ya -a 'nanmannɔn 'a. 'Ka dre wɪ -wɪdɪnɪn 'lee 'cee ci "nrɔndɪ 'wɪdɪ 'bɛ -ci -kɔɔnman zɛ. ²²En 'bɛ nen 'gɔvɛ, Zozi 'le -ka nen yaa 'wɪ "le blamin -le 'wɪ 'zɔ bɛ, -yee "wean Bali 'ka dre 'e beenun -a 'nan, -e 'ka -pli 'e man, te ka ya 'saun 'e 'lɛ, en 'wɪ 'wɪdɪ 'ka 'ka man dɪ, en 'tɔ 'tɔ 'ka 'e 'padɪ 'ka man dɪ. ²³-Yee "wean 'ka 'tɔ 'pleble! Te 'ka "koe 'e 'si 'ka da yi -teradɪ -a Zozi da dɪ! Fɛ nen Bali -a 'pla 'cee vɛ -a laji bɛ, te 'ka 'bli 'si -yrɛ "dɪ! Fɛ 'bɔ zɛ Zozi 'le 'wɪ 'nɔkɔnɔn nen kaa 'man bɛ, -yɛɛ -ci 'si 'cɛɛ. En Zozi 'le 'wɪ 'nɔkɔnɔn nen waa 'sinan 'pa minnun pɛɛnɔn lɛ bɛ, -a fuiladɪ "man "nen 'an 'bɔ Pɔl -a "paa 'nyranman -a.

Pɔl -le 'nyranman

²⁴'An yra nen an ci -a yɪnan 'gɔvɛ, 'ka lɛ nen, en -a 'wɪ 'an 'ci "nranman. Kɔɔ Crizi -le yra yɪdɪ bɛ, -a 'lɛ nen an ci -a -srannan. An ya 'an yra yɪnan -yee -leglizi nen -a po a bɛ -a man. ²⁵An dre -leglizi -le 'nyranman 'pazan 'a, kɔɔ Bali 'bɔ 'bɛ 'nyranman zɛ -a -pɛba 'wɪ 'an 'lɔ, 'nan -e 'an 'yee 'wɪ vɪ 'cɛɛ 'e pɛɛnɔn. ²⁶Bali -le 'wɪ 'bɔ zɛ, 'li bɛ te e ya 'e yɔɔdɪ minnun man. 'Pian 'bɛ nen 'gɔvɛ, Bali -a kɔɔn 'wein minnun nen o ci -yee vɛ -a bɛ -wɛ. ²⁷Kɔɔ -a -cin a Bali ji 'e 'cɛn 'nan, 'e 'wɪ yɔɔdɪ zɛ -a ta bɔala 'yee minnun

le -e 'o -tɔ 'nan, 'wɪ ɣɔɔdɪ 'bɔ a -dan, ɛn -a -kɔɔn "manvɛ "ka "dɪ. ɛn minnun nɛn o 'ka Zuif 'nɔn 'a dɪɛ, e ya -wee vɛ -a "nyian. 'Wɪ ɣɔɔdɪ 'bɔ nɛn 'nan, kaa nɛn ka 'ka Zuif 'nɔn 'a dɪɛ, Crizi a 'ka yei, ɛn -yɛɛ -maan 'ka 'bli a "da 'nan Bali -le mingɔnnɛn trɛ bɛ, "ka -koo "da.

²⁸-Yee 'wɪ nɛn kva ve minnun pɛɛnɔn lɛ. 'Wɪ 'tɔdɪ -a nɛn kva "paaman o ji, te kv -ko 'wɪ pladɪ -a -wɛ. Kva dra zɪɛ 'nan, -e minnun pɛɛnɔn 'o dre ceje Crizi -le 'wɪ 'ji. ²⁹'Wɪ zɪɛ -yee "wean nɛn an 'nyranman "paa, ɛn 'an 'fli -mɛan dra. Crizi -le 'plɛblɛ nɛn e 'nyranman "paa -a 'an man 'plɛblɛ 'gʊɛ, -yɛɛ -maan an -kɔlamɛan 'wɪ zɪɛ -a dɛɛdɪ -a.

2 ¹'Wɪ nɛn an cɪ -a dɛnɛn 'cee vɛ -a 'gʊɛ, 'lee Zozinɔn nɛn Laodize bɛ -wee vɛ -a 'gʊɛ, 'lee Zozinɔn -mienun nɛn wa'a tian "nyian 'an yɪlɛ 'o yie 'a dɪɛ -wee vɛ -a 'gʊɛ, an ya "vale 'nan 'ka -tɔ 'nan e ya "le -kuli man nɛn an cɪ. ²An ya -a dɛnɛn zɪɛ 'nan, -e 'ka "koe 'e 'tɔ 'ka da, ɛn "nyian -e yɪdɪ 'yi 'e 'kɔn 'ka yei, te 'ka yie -tɔa 'ka cin va. An ya -a dɛnɛn zɪɛ "nyian 'nan, -e 'cee 'wɪ 'tɔdɪ 'e 'ciula "da, tɔɔn -e Bali -le 'wɪ ɣɔɔdɪ bɛ 'ka -ci man. -Yee 'wɪ ɣɔɔdɪ zɪɛ Crizi nɛn. ³ɛn Crizi 'bɔ 'va nɛn Bali -le 'wɪ 'tɔdɪ pɛɛnɔn cɪ, ɛn -yɛɛ ta bɔala min lɛ.

⁴An 'winun zɪɛ -a 'vɪ 'cɛɛ 'nan -e min 'e vɪlɛ 'e 'ka see "paa 'e wei -a, -e 'ka 'si -si tɪglɪ da dɪ. ⁵'An 'ka 'ka "srɔn "kogo dɪ, 'pian 'mɛn cɪ "nrɔndɪ pɛɛnɔn a 'ka 'va nun. Ci "nrɔndɪ a 'an 'lɔ, kɔɔ maan -kɔnnɛn 'yɪ 'nan 'ka 'ci "nrɔnman 'wɪ 'tɔwli "da, ɛn ka ya 'ka 'tɔdɪ -kli 'cee yi -teradɪ Crizi da -ji.

⁶Ka wu "man 'nan Zozi Crizi 'bɛ cɪ 'ka 'san -a, -yee "wean 'ka 'fʊ 'ka leadɪ "man! ⁷'Ka 'kɔn Zozi 'va "le yiba "nɛn -a "sein "a 'trɛ 'ji 'plɛblɛ bɛ -yee 'wɪ 'zv. ɛn "nyian "le 'kɔn nɛn waa -pʊ -fɔ 'plɛblɛ bɛ -yee 'wɪ 'zv. Yi -teradɪ Zozi da nɛn waa paa 'ka 'ji bɛ, 'e 'kʊ 'padɪ -a "da. ɛn 'ka Bali muo "fɔ -tidi.

'Ka dre "yi minnun nɛn o Bali -le 'wɪ ve 'wlu 'a bɛ o va

⁸'Ka yie 'tɔ 'ka 'fli -va! Te min -tv 'e 'ka see "paa 'yee 'wɪ 'tɔdɪ -a -e 'ka 'si -si tɪglɪ da dɪ! 'Winun nɛn yaa ve bɛ e ya 'wɪ "tun "a, ɛn 'winun nɛn blamin -a "nrɔnman 'e 'wulo -ji -e 'e vɪ bɛ -nyrɛn. Lei -wɪdɪnɔn 'pa 'nyranman nɛn, zɪɛ. Ya'a 'sia Crizi -va dɪ.

⁹Te min 'e 'ka 'man yɪ dɪ! Kɔɔ min nɛn e Bali kɔɔn minnun lɛ -pɛ pɛɛnɔn 'ji bɛ, Crizi -tɔwli "nɛn. ¹⁰ɛn Crizi 'bɔ man nɛn ka cɪ 'ka leadɪ, -yee "wean fɛ -tv 'ka 'e 'klɪdɪ 'ka man Bali -le 'belidɪ va dɪ. Fɛnɔn pɛɛnɔn nɛn 'plɛblɛ a -wɔ ɛn o min "paala bɛ -yɛɛ cɪ o da.

¹¹ɛn "nyian 'cee leadɪ Crizi man bɛ, e ya 'ka 'fɔdɪ -klɔnmɔn -va -a. 'Ka 'fɔdɪ -klɔnmɔn -va zɪɛ, e 'ka 'nan blamin plɔ 'pla 'ka man 'e 'pɛ -a dɪ, 'pian Crizi -va nɛn e 'si, ɛn -a -ci nɛn 'nan 'ka 'vale 'wɪ 'wɪdɪ "a ka cɛɛn 'e cin man. ¹²'Ka -batize nɛn waa dre bɛ, e ya "le min nɛn ka cɪ -a 'e tedɛ bɛ -wɛɛ 'wʊ 'trɛ 'ji 'o 'vale Crizi -a. ɛn "nyian e ya "le Bali 'ka wluan -kanɔn 'va 'ka 'vale Crizi -a, kɔɔ ka yi -tɛala Bali -le 'plɛblɛ nɛn e Zozi Crizi wluan -kanɔn 'va bɛ -a da.

¹³Kaa nɛn ka 'ka Zuif 'nɔn 'a dɛ, 'e tɛdɛ bɛ 'wɛnɛn nɛn o cɪ 'wɛɪdɪ "bɛ kaa dra. -Yɛɛ -maan Bali 'lɛ bɛ, ka ya "lɛ minnɛn nɛn o ya 'o 'kadt bɛ -wɛɛ 'wɪ 'zʊ. 'Pian 'bɛ nɛn 'gʊɛ Bali 'belidɪ -nɔn 'cɛɛ 'ka 'vale Crizi -a. Bali -kaa pɛɛnɔn 'lɛ 'wɪ 'wɛɪdɪ fui -kaa man. ¹⁴'Wɛnɛn nɛn o 'wɪ -tɔa -kaa man bɛ, -a pɛɛnɔn a 'e 'cɛn -tɛdɪ. 'Pian Bali -a fui, ɛn yaa 'lɛ 'ka yiba "plan da. -Yɛɛ dre Zozi 'lɛ -kadt -a. ¹⁵ɛn 'nyian, fɛnɛn pɛɛnɔn nɛn 'plɛblɛ a -wɛɔ ɛn o min 'paala bɛ, Bali o 'lɛ 'ka. -Guliga -blɪdɪ -a nɛn, yaa kɔɔn minnɛn pɛɛnɔn lɛ 'nan 'e o klɪ.

¹⁶-Yɛɛ "wɛan -a -si 'ka min -tʊ -lɔ -e 'e tin -tɛ 'ka da, fɛ nɛn kaa -blɛ bɛ -a man dɪ, 'lɛɛ fɛ nɛn kaa -mlɪan bɛ -a man dɪ. -A -tʊwɪli "nɛn 'nyian "fɛdɪ yɪnɛn -a, 'lɛɛ mlɛn yɪ -tʊ -a, 'lɛɛ 'flɪnla "yɪ -a. ¹⁷'Wɛnɛn pɛɛnɔn zɪɛ -wɛɛ trɔa 'wɪ nɛn e "ta -daa "dreɛ bɛ -a 'lɛ "lɛ -a fulɔ lei -zʊ. 'Pian fɛ 'bɔ nɛn -a fulɔ lei -trɔa 'si 'lɛ bɛ, Crizi 'bɔ nɛn.

¹⁸Minnɛn nɛn waa vɛ 'cɛɛ 'nan, 'vaa -e min 'e 'kopa yɪ Bali va bɛ, 'e 'tɛ 'pa 'e 'flɪ 'kɔɛ da, ɛn 'nyian 'e Bali -lɛ 'pasianɔn nɛn laɟɪ bɛ o bɔ bɛ, tɛ 'ka "trɔɛn "tɔ o wei lɛ dɪ. 'O 'flɪ -kɔɔnman nyrɪn nɛn waa -tɛa "bɛ -a, ɛn -wɛɛ -wulo -ɟɪ "nrɔndɪ -wɛɪdɪ -a -maan 'o 'flɪ "sɪala -dandan, tɛ -a -ci "ka "dɪ. ¹⁹ɛn Crizi nɛn -lɛɟɪzɪ -wulo -a bɛ, o 'ka 'o lɛadɪ "nyian 'bɛ man dɪ. 'Pian tɛ -yɛɛ -lɛɟɪzɪ nɛn -a 'bɔ pɔ -a bɛ, -a man dra. ɛn -yɛɛ -maan e ya 'e 'fɔdɪ 'e cɪn man 'plɛblɛ, ɛn -yɛɛ -maan "nyian -lɛɟɪzɪ truman "lɛ Bali cɪ "va "bɛ -yɛɛ 'wɪ 'zʊ.

²⁰-A -cɪn 'e 'kɔn 'ka 'ɟɪ 'nan, 'cɛɛ -ka nɛn ka 'wʊ 'ka 'vale Crizi -a 'e cɪn va bɛ, -yɛɛ "wɛan lei -wɛɪdɪnɛn -lɛ 'plɛblɛ 'ka "nyian 'ka da dɪ. -Mɛ "lɛ "wɛan nɛn kaa dra "lɛ 'nan fɛnɛn zɪɛ -wɛɛ 'plɛblɛ a tɪan 'ka da? ɛn -mɛ "lɛ "wɛan nɛn ka ya "vale 'ka 'ta wɛɔa -wɛɛ 'srɔɛnnɛn 'gʊɛ -a da? ²¹Waa vɛ 'cɛɛ 'nan, tɛ 'ka fɛ 'gʊɛ -a 'sɪa dɪ, ɛn tɛ 'ka fɛ 'gʊɛ -a -blɪ dɪ, ɛn 'bɛ nɛn 'gʊɛ ka'a 'kla 'bɛ man "fo "dɪ! ²²Fɛnɛn zɪɛ o ya -nan 'nan -e min 'e 'man wɪ dre -a. 'Srɔɛnnɛn 'bɔ zɪɛ minnɛn 'bɛ -tɔ -pɛɪ -a, ɛn minnɛn -lɛ 'wɪ "paadt nɛn. ²³Bali -lɛ 'pasianɔn nɛn laɟɪ bɛ o bɔdɪ bɛ, 'lɛɛ 'tɛ 'padɪ min 'flɪ 'kɔɛ da bɛ, 'lɛɛ fɛnɛn 'cidɪ bɛ, tɛ min -a 'man bɛ, yaa yɛ "lɛ 'wɪ 'tɔ wɛnɛn -zʊ. 'Pian tɛ 'srɔɛnnɛn zɪɛ -a -ci "ka "dɪ, kɔɔ blamin cɪ 'sɔ wɛnɛn -wɛɪdɪ "bɛ, ya'a 'bɛ 'sɪa 'e 'lɔ dɪ.

Fɛnɛn nɛn Bali va bɛ -a da nɛn 'ka cɪ "nrɔn!

3 ¹-A -cɪn 'e 'kɔn 'ka 'ɟɪ 'nan, Bali 'ka wɛɔan -kanɔn 'va 'ka 'vale Crizi -a. ɛn Crizi a 'e -nyrandɪ Bali -pɛ "yɪ "da. -Yɛɛ "wɛan nɛn fɛnɛn nɛn Bali va bɛ -a 'bɔ nɛn 'ka -wɛɛ, ²ɛn -a da nɛn 'ka cɪ "nrɔn tʊ pɛɛnɔn man! 'Pian tɛ 'ka cɪ "nrɔn 'trɛda fɛnɛn da dɪ! ³Kɔɔ ka ya "lɛ minnɛn nɛn o -ka 'trɛda fɛnɛn va zɪa bɛ -wɛɛ 'wɪ 'zʊ. 'Bɛ nɛn 'gʊɛ, Bali 'belidɪ -nɔn 'cɛɛ 'ka 'vale Crizi -a, ɛn 'belidɪ zɪɛ -a man a 'e yɔɔdɪ Bali 'bɔ 'va. ⁴'Cɛɛ 'belidɪ 'kpa bɛ Crizi nɛn, ɛn tʊ nɛn e -taa "man "bɛ -a nyan nɛn ka -kɔan -a "srɔn, -e 'ka -yɛɛ 'tɔ -dan bɛ -a "nɛn "blɪ.

5-Yee "wean 'wɪ 'wɪdɪ pɛɛnɔn nɛn 'trɛ 'gʊɛ -a da bɛ, 'ka 'bɛ yɪ -ka! -A -mie nɛn "le nyinnandɪ lɪ 'lee -kɔnnɛn -a te wa'a 'o cin 'palɛ dɪɛ -yee 'wɪ 'zʊ, ɛn "nyian "le 'wɪ pɛɛnɔn nɛn e min "tri -tɔa Bali 'lɛ bɛ, -yee 'wɪ 'zʊ, ɛn "nyian "le min -le ci "nrɔndɪ 'wɪnɪn zɪɛ -a da bɛ -yee 'wɪ 'zʊ, ɛn "nyian "le min 'bɔ ci 'sɔ wɪnɪn -wɪdɪ 'zʊ, ɛn "nyian "le min yɪɛ nɛn ya'a 'ciala fɛ da dɪɛ -yee 'wɪ 'zʊ. ɛn 'wɪ 'bɔ zɪɛ -a drɛdɪ bɛ, e ya "le fɛ -tʊ nɛn min -a -tɔ Bali 'lɛjɪ te yaa "sua. -Yee "wean 'wɪ 'wɪdɪ pɛɛnɔn zɪɛ te -a -tʊwɪ 'e 'kɔn 'ka yɛi "dɪ! 6Kɔɔ 'wɪnɪn zɪɛ -a man nɛn Bali 'wɪ "nɛn -kɔɔnman minnɪn nɛn o 'ka "vale 'o 'ta wɪla -a wei da dɪɛ -wɪɛ. 7Tʊ nɛn te 'wɪ 'wɪdɪnɪn zɪɛ -wɛɛ 'ka "paala bɛ, te 'cee 'ta wʊ -pɛ a zɪɛ. 8'Bɛ nɛn 'gʊɛ, 'ka 'pɛ 'e 'si 'wɪ 'wɪdɪnɪn pɛɛnɔn zɪɛ -a -srɪ! ɛn "nyian bɛ, nyran siadɪ, 'lee 'bli 'fɔdɪ min jɪ, 'lee 'nandɪ min man bɛ, te -a -tʊwɪ 'e 'kɔn 'ka yɛi "dɪ! ɛn "nyian bɛ, "srɔnnɪn wɪdɪ 'lee 'wɪdɪ min man -wɪdɪ "bɛ, te -a -tʊwɪ 'e bɔla 'ka 'le dɪ! 9ɛn te 'ka 'wɪ 'sɛn 'ka cin lɛ dɪ! Kɔɔ min nɛn ka cɪ -a 'e tɛdɛ bɛ 'lee 'ka drɛ wɪnɪn 'cɛn bɛ, ka cɛɛn 'bɛ man. 10'Bɛ nɛn 'gʊɛ ka drɛ min -trɛ -a. Bali 'bɔ 'bɛ drɛ, ɛn e -ko 'ka liladɪ -a zɪɛ -trɪlɪi, -e 'ka 'sia, te 'cee -a -tɔdɪ "paa "da. 11'Wɪ nɛn Bali -a drɛ zɪɛ -yee "wean bɛ, -te min a Zuif min -a oo, ɛn -te e 'ka Zuif min -a dɪ oo, 'bɛ a 'e "tun. ɛn "nyian bɛ, -te min a 'e 'fɔdɪ -klɔnmɔn -va oo, ɛn -te e 'ka 'e 'fɔdɪ -klɔnmɔn -va dɪ oo, 'bɛ a 'e "tun. ɛn "nyian bɛ, -te min a -pɛn min -a oo, ɛn -te min a 'leglɔn 'kɔɔbli -jɪ min -a oo, 'bɛ a 'e "tun. ɛn "nyian bɛ, -te min a nɔan -a oo, ɛn -te min 'ka nɔan -a dɪ oo, -a pɛɛnɔn zɪɛ 'bɛ a 'e "tun. 'Pian 'wɪ nɛn Bali -a -nanjean 'ka pɛɛnɔn 'va bɛ, Crizi nɛn. ɛn -yɛɛ cɪ 'ka pɛɛnɔn 'jɪ.

12Bali 'ka 'si "va 'nan, -e 'ka drɛ 'yee minnɪn -a, ɛn e 'ka ye "yɪ. -Yee "wean min nyrinda 'e 'sɛn 'ka da, ɛn 'ka 'kɔn min 'kpa -a, ɛn te 'ka 'fli 'sia -dandan dɪ, ɛn 'ka 'kɔn -trɔɔ min pɛɛnɔn 'va, ɛn 'ka -pɔan 'e 'sɔ 'wɪ 'jɪ! 13Te 'ka "bʊ -tʊ plu 'ka man dɪ! -Te 'ka "bʊ -tʊ 'wɪ drɛ 'cɛɛ bɛ, 'ka man wɪ 'cɛ. Minsan 'ka 'man wɪ 'cɛ -yee "wean 'ka min man wɪ 'cɛ. 14ɛn 'wɪ 'tʊwɪ 'nɛn e cɪ -a pɛɛnɔn zɪɛ -a -wulo -a bɛ, -nyrɛn 'nan 'ka cin yɪ "yɪ. Kɔɔ 'ka cin yɪdɪ "yɪ 'bɛ -maan 'kɔɔ 'shɛ 'lee -sɛɛ -kɔan 'ka yɛi.

15Crizi -le -fɔdɪ -trɔɔ nɛn yaa -nɔn 'cɛɛ bɛ, -a da nɛn 'ka 'ci "nrɔn -e 'ka 'wɪ drɛ 'ka cin va. -Fɔdɪ -trɔɔ zɪɛ -a man nɛn Bali 'ka laabu 'nan -e 'ka 'kɔn "le min -tʊwɪ 'zʊ. -Yee "wean 'ka Bali muo "fɔ tʊ pɛɛnɔn man. 16Crizi -le 'wɪ 'nɔnnɔn bɛ, 'e 'kɔn 'ka yɛi 'e 'ciɪladɪ "da! 'Wɪ 'tɔdɪ -a nɛn 'ka 'wɪ "paa 'ka cin jɪ, te ka -ko 'wɪ pladɪ -a 'ka cin lɛ. 'Ka Bali muo "fɔ 'ka 'bli pɛɛnɔn 'a, te ka -ko -yee 'fluba 'jɪ "drenun -fɔdɪ -a, 'lee -a 'tɔ bɔ "drenun -fɔdɪ -a, 'lee "drenun nɛn Bali lei 'saun -a -cin -tɔa 'ka 'jɪ bɛ -a -fɔdɪ -a. 17'Wɪ oo 'wɪ nɛn kaa dra 'lee kaa ve bɛ, 'e -kɔɔn 'nan ka ya Minsan Zozi -srɪnɔn 'a. ɛn 'ka 'ciɪla "va -e 'ka -kaa "tɪ Bali muo "fɔ.

'Ka 'wɪ drɛ 'ka cin va "yɪ!

18Kaa nɛn ka cɪ min nannɪn -a bɛ, 'ka 'ta wɪla 'ka -sran wei da! 'Wɪ nɛn e cɪ "le 'ka drɛ bɛ -nyrɛn "bɛ, kɔɔ ka ya Minsan -le vɛ -a.

¹⁹Kaa nɛn ka ci li -srannun -a bɛ, 'ka nan yɪ "yi, ɛn te 'ka o 'pla -pɔan 'tɔndɔn 'a du!

²⁰Kaa nɛn ka ci nannannun -a bɛ, 'ka 'ta wula 'ka "ti 'lee 'ka "bu wei da -pɛ pɛɛnɔn 'ji! 'Wɪ zɪɛ -a dɛdɛ 'bɛ 'sɔ Bali lɛ, kɔɔ ka ya Minsan -lɛ vɛ -a.

²¹Kaa nɛn ka ci 'nɛn "tɪnɪn -a bɛ, 'wɪ nɛn e 'cee 'nɛn 'ci -tɔa lou 'ka man bɛ, te 'ka dre -wɛɛ "di, "tɔgɔ o "koe 'e 'si 'o da!

²²Kaa nɛn ka ci nɔannun -a bɛ, 'ka 'ta wula 'ka 'tanɔn wei da -pɛ pɛɛnɔn 'ji! Te 'ka dre o yie lɛ 'saza 'nan -e 'o 'ka yɪ "yi 'du! 'Pian 'ka "klan Minsan lɔ, ɛn 'ka dre 'ka 'ci 'fɪdaa 'a! ²³Nyranman pɛɛnɔn nɛn kaa "paa bɛ, 'ka dre 'ka 'bli pɛɛnɔn 'a! ɛn 'ka 'ci "nrɔn 'nan, Minsan lɛ nɛn ka ci 'nyranman zɪɛ -a 'panan, blamin lɛ "cɛɛ du! ²⁴-A -cin 'e 'kɔn 'ka 'ji 'nan, Minsan 'ka -ko "paa. -Kopa zɪɛ "yi "nɛn Bali -a 'pla 'yee minnɪn -lɛ vɛ -a bɛ -nyrɛn. -Yee "wɛan 'ka 'tazan nɛn Crizi -a bɛ 'ka 'su! ²⁵'Pian min nɛn e 'wɪ 'wɪdɪ dre bɛ, yaa "nɛn 'ye, kɔɔ Bali 'ka min bo "va -e 'e va wɪ dre du.

4 ¹Kaa nɛn ka ci o tanɔn 'a bɛ, 'wɪ nɛn e ci "lɛ 'o dre min lɛ -e 'e Bali ci 'sɔ bɛ -nyrɛn 'ka dre 'cee nɔannun lɛ! 'Ka 'bɔ "nyian, -a -cin 'e 'kɔn "cee 'ji 'nan, 'ka 'tazan a laji.

'Ka Bali tru 'ba ɛn 'ka Bali -lɛ 'wɪ vɪ minnɪn lɛ

²Te 'ka "koe 'e 'si 'ka da Bali tru 'badɪ -a du! 'Ka yie -trɔa "da, ɛn 'ka Bali muo "fɔ! ³ɛn "nyian 'ka Bali tru 'ba 'kɔɛ 'nan, 'e -si -nɔn 'kɔɛ -e 'ku Crizi -lɛ 'wɪ 'nɔnɔn nɛn -a -ci a 'e yɔɔdɪ minnɪn man bɛ, -a fuɪla "man. 'Wɪ zɪɛ -a man nɛn an ya -pɪ 'kuin. ⁴-Yee "wɛan 'ka Bali tru 'ba 'mɛn 'nan, -si 'e 'lɛ 'sɔ -e 'an 'wɪ 'nɔnɔn zɪɛ -a vɪ 'weɪn, "lɛ zɪ e ci 'mɛn 'nyranman -a bɛ -yee 'wɪ 'zɪ.

⁵'Wɪ 'tɔdɪ -a nɛn 'ka 'ta wɪ minnɪn nɛn o 'ka Zozi 'va dɪɛ o va. Tɪ -tɪdɪ pɛɛnɔn nɛn e "paala 'ka 'vale waa 'ka yei "bɛ, te 'ka 'tɪ 'e sɛ 'e "tɪn "du! ⁶Weinun nɛn o bɔala 'ka 'lɛ bɛ, 'o 'kɔn tɪ pɛɛnɔn man "yi, ɛn -a 'nɔnɔn 'e 'fɪ min man! Kɔɔ e ya "lɛ -te min 'wɪ 'tɪ laabɪ 'ka 'lɔ bɛ, 'ka -kɔla -a -sru vidɪ -a -yɛ fɛnyian.

Pɔl 'wɪ 'nyranman 'vɪ Kolɔs 'nɔn lɛ

⁷-Kaa "bɪ Zozizan Tisik nɛn ku 'nyranman "paa waa 'gɔɛ, 'wɪ nɛn 'an man 'gɔɛ -yɛɛ "ta "lɔ -a -nan 'sinan 'palɛ 'cɛɛ. Kɪa ye "yi 'kpa tɪgɪ, ɛn -a yie yɪa Minsan -lɛ 'nyranman 'padɪ da. ⁸Maan 'pa 'sia 'cɛɛ 'nan, -e 'e 'ku 'ta wɪ vɪ 'cɛɛ, ɛn "nyian -e 'e 'ka "koe "tɔ 'ka da. ⁹Mɛɛn 'pa 'sia 'o 'vale -kaa "bɪ Zozizan Onezi nɛn 'ka 'bɔ 'va min -a bɛ -a. Ku 'bɛ ye "yi "nyian 'kpa tɪgɪ, ɛn -a yie yɪa Minsan -lɛ 'nyranman 'padɪ da. -Wɛɛ 'ku 'ta wɪ pɛɛnɔn vɛ 'cɛɛ.

¹⁰Ariza nɛn 'ku 'vale -a ku ya -pɪ 'kuin 'gɔɛ, e 'nan 'e 'ka 'tɔ bo. ɛn "nyian Mark nɛn Barnaba "blɪ -lɛ 'nɛn 'a bɛ, e 'nan 'e 'ka 'tɔ bo. An -yee 'wɪ crɛn -te 'fluba -tɪ -ji bɛ, 'ka 'ci "nrɔn 'wɪ zɪɛ -a da. E "ta "lɔ "bɛ, 'ka 'kun 'ka

'pɛ 'fli 'a. ¹¹Zozi nɛn waa laabo Zuti bɛ, 'e 'vɪ 'nyian 'nan 'e 'ka 'tɔ bo. Zuif 'nɔn pɛɛnɔn nɛn o yi -tera Zozi Crizi da bɛ o yei 'bɛ, min yaaga zɛɛ o 'bɔ 'a nɛn, kʋ 'nyranman 'paa. 'Nyranman zɛɛ -nyrɛn 'gʋ. Kʋa -wɛɛman 'nan, minnʋn 'o 'wɪ 'man 'nan Bali 'bɛ cɪ 'o da mingɔnnɛn -a. Min yaaga zɛɛ -wɛɛ 'wɛan 'an 'koe 'a 'an da 'kpa tɪɪɪ.

¹²Epafrɔ nɛn 'ka 'va min -a bɛ, e 'nan 'e 'ka 'tɔ bo. Zozi Crizi 'suzan tɪɪɪ nɛn. Tʋ pɛɛnɔn man bɛ, e ya 'e kɔaladɪ Bali tru 'badɪ man 'cɛɛ. Yaa laabo Bali lɔ 'nan, te 'ka 'pɛ -sru 'e tɔa -yɛɛ 'wɪ 'ji dɪ, ɛn 'nyian 'nan 'ka drɛ ceje -yɛɛ 'wɪ 'ji. ɛn yaa laabo -yrɔ 'nyian 'nan, 'wɪ nɛn e cɪ Bali 'bɔ 'ci 'sɔ 'a bɛ, 'ka -kɔla -a drɛdɪ -a. ¹³Maan 'yɪ 'nan, -a 'koe 'a -nyannan 'ka man 'kpa tɪɪɪ, ɛn -a 'koe 'a -nyannan 'nyian Laodize 'nɔn 'lee Irapoli 'nɔn man. ¹⁴-Kaa bɛɛ Luk nɛn -dɔdɔ -a bɛ, 'o 'vale Dema -a o 'nan 'o 'ka 'tɔ bo.

¹⁵Zozinɔn pɛɛnɔn nɛn Laodize bɛ, kʋ o 'tɔ bo. ɛn 'nyian bɛ Nifa 'lee Zozinɔn nɛn o cin ye -yɛɛ 'kuin bɛ, kʋ o 'tɔ bo.

¹⁶-Tɛ ka cɛɛn 'fluba 'gʋɛ -a ta vidɪ man bɛ, ka -kʋ -a Zozinɔn nɛn Laodize bɛ -wɛɛ -e 'o ta vɪ. ɛn 'ka 'bɔ 'nyian, Laodize 'nɔn 'le vɛ bɛ 'cɛɛ ta vɪ.

¹⁷'Ka vɪ Asip lɛ 'nan, 'e yɛɛ 'tɔ 'e 'fli -va, -e 'nyranman nɛn Minsan -a -pɛba 'wʋ -yrɔ 'bɛ, -a -pɛ 'e 'sɔ -a drɛdɪ -a.

¹⁸'An 'bɔ Pɔl, an 'we 'ka 'va. Mɛɛn 'ka 'tɔ budɪ 'gʋɛ -a crɛn -tɛ 'an 'bɔ 'pɛ -a. -A -cin 'e 'kɔn 'ka 'ji 'nan, an ya -pʋ 'kuin.

Bali -le 'yi 'e 'kɔn 'ka 'va.